

[www.BibleForChildren.org](http://www.BibleForChildren.org)

# Matye 8



Bilumbu byooli bivyookë, mëkweelë mëlëvangënë ku bwaalë bu Kana ku libweeti li Ngalilee. Mamë Yeesu wabë faanë, i bëtelë yivaandi Yeesu i bilaanzi byaandi ku mëkweelë beenë.



Abu viinyi ye mani, mamë Yeesu wukaambë Yeesu :  
« Baawu bësyeeeli yi viinyi ko. » Mamë Yeesu wusë  
kaambooso bisasi : « Vangaanu makë mooso  
kulukaambë. »



Yeesu wukaambë bisasi : « Waasyaanu masi mu bidoyi obyo. » Baawu bisë biwaasi tembe-tëtee. Tee Yeesu wubëkaambë : « Tekaanu buyifanwabu mwa masi be moomo i nataanu maawu ke fumu-n'saangu. » Baawu bisë vangilë boobo.



Fumu-n'saangu wutootë masi mëbalukë viinyi. Naandi wusye zaabë ko kunë kufuminë viinyi be yooyo, kasi bisasi bitekë masi bëlizaabë.



Naandi wutelooso wo wun'kweelë, i naandi  
wun'kaambë : « Bake booso bën'tonaangë kukabë  
viinyi yi lutwiingu,  
kumanoofu, mooti bo  
bëtelu bayitokë kunwa,  
vandi yakukabulë  
mäkaambu lutwiingu.  
Kasi njeeyi, wasweekë  
viinyi yi lutwiingu  
tee yi  
fanwaabu! »



Talaanu buni Yeesu kuvangilë ciliimbu cin'tetë mu bimaaku byaandi, ku Kana li Ngalilee.



Naandi wuleesi boobo bumpumu bwaandi i bilaanzi byaandi bisë ta maanë mu naandi.



Yeesu wusë kweendë ku n'zo Pyeelë.  
Na ke takënë n'kwekisi Pyeelë  
wulambëmë fë ciikë. Libaawu lyabë  
yaandi.



Kwan'siimbi mu kooko, libaawu lisë m'botukë  
i naandi wusë telëmë i wusë kun'salilë.



Mësikë matuuci, bwiisi abu bwayili, baatu bëtwaalë  
ke Yeesu ku n'zo ko kwabë bibeedo byakë byooso  
yimunë bo bëvwaatu  
ke biluunzi bibi.  
Mboongu baatu  
yooso yi livulë li  
Kapelënwuumë  
yabë yidukunë  
fë munu-n'zo.



Yeesu wubelusi mpaapë baatu babë mu simpasi i mu sincyeenzu simpilë yi mpilë yaandi i wusë kulë biluunzi bibi. Naandi wusye biikë ko biluunzi bibi kubulë mbeembu, cibilë baawu bëlën' zaabaangë.




Nkoongë yooso yi baatu yilëtoombaangë kun'siimbë  
cibilë luleendo lulëbasikaangë mu naandi  
lulëbelusyaangë  
bakë booso.



Mo mu ntaangu beenë, mpooko baatu bëyisë, munë  
nkoongaawu mwabë baatu bë na bëlënataangë cikatë.



Abu bëkaambu kubakë likanë li  
kutukilë fabë Yeesu, mu cibilë ci  
nkoongë baatu, baawu bisë makë ku yilu  
n'zo, kutobulë mwaanzë i bisë bakë  
livwaasi li kun'kululilë fë ntwaalë Yeesu.  
Na cikatë wabë  
wuyalukë fë  
cyaalu.




Yeesu, abu kwamoni  
lufyaatu Iwaawu i  
wusë kaambë  
cikatë : « Mwanaami,  
mësumu maaku  
makobukë. »  
« Njeeyi  
yin'kaambë, we  
telëmi, boongë  
nkwaalaaku i we  
vutukë ku bwaalë  
bwaaku! »



Yeesu wukandëmë mu bwaatu i bilaanzi byaandi  
kun'laandë. Kususukulabu,  
mpeemo-ngudi yipukë mu  
m'bu, masi nkanë  
makun'waalë mu  
bwaatu, kasi naandi  
tolo kulë nuukë.



Naandi wusë bëkaambë : « Beeno boomë bu mbici?  
A bangë ciminu ciciici! » Oboobo, naandi wusë manë  
n'telë, kutundilë mpeemo i m'bu i n'sikë wunenë  
wusë ba. Baatu bakë booso bisë bwa libobo  
i bisë tubë : « Mpilë mbici  
mutu owo, mpeemo i  
m'bu bëkun'yuwulu? »



Cibilë Nzaambi wuzolë buloongo  
n'viipë, wuvaanë mwanaandi  
mweekë vwiili mu kuba wunë  
wun'ta lyaanë mu naandi wuleembu  
kunyambëkënë kasi wubakë  
luziingu lu sakë yi sakë.

40



60



Loomë 3:23 bakë booso bësumukë i baawu bakwakënë fë bumpumu bu Nzaambi.

Loomë 6:23 Cibilë lifutë lin'vaanë lisumu mati lufwa. Kasi likabu lin'vaanë Nzaambi libuunë, mati luziingu lu sakë yi sakë mu lubundunu lwiitu yimunë Kliistu Yeesu Fumwiitu.

Ebele 9:27 Wosuku muutu lumoonyi wuvangunu mu kufwa vyaasi mweekë i wufundusu ke Nzaambi.

Efeesë 2:8,9 Mati mu cibilë ci muulë wu Nzaambi mwaawu beeno luvukilë, mu mëkanë më ciminu. Luvukulu be loolo lusye fuminë ke beeno ko, kasi lwaawu likabu li Nzaambi. Lyaawu lisyë luveewu ko mu mëngolo luvangisi i bwaawu muutu ve wum'podi kuyituunvi.



Loomë 10:9,10 Ningë ti mu munwaaku wulë mu kusioninë  
fëke bakë booso ti Yeesu wuli Fumu i ningë njeeyi wun'ta  
lyaanë mu n'timaaku wooso ti Nzaambi wun'vulumunë mu  
bëfwa, njeeyi wun'vuukë. Cibilë mu n'timë, mwaawu  
bëkun'teelë maanë i Nzaambi wun'vangisyaangë  
kusulëmë muutu wo wacikunë, mati mu munu tun'sisiminë  
i Nzaambi wun'vuuci wunë wun'vangilë kati obo.

Za 3:16,17 Cibilë Nzaambi wuzolë buloongo n'viipë,  
wuvaanë mwanaandi mweekë wwiili mu kuba wunë wun'ta  
lyaanë mu naandi wuleembu kunyambëkënë kasi wubakë  
luziingu lu sakë yi sakë. Nzaambi sye filë mwanaandi mu  
buloongo ko mu kubufundisi, kasi mu  
kubuvuuci mu naandi.



1 Za 5:11-13 Talaanu cimbaanji aci : Nzaambi watuvaanë luziingu lu sakë yi sakë i luziingu beenë luveewu mu Mwanaandi. Wunë wuke yi Mwaanë ke yi luziingu, wunë wukaambu Mwaanë Nzaambi, wukeeli yi luziingu ko. Miinu yalusonikinë bwiinji luzaabë ti beeno lwabakë luziingu lu sakë yi sakë, beeno lwata maanë mu lizinë li Mwaanë Nzaambi.



Matye 8-9; Malëkë 1-2, 4; Liikë 4, 8; Za 2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: E. Frischbutter; Sarah S.

Vili Civili NT (vif) © 2019, Wycliffe Bible Translators,  
Inc. and © Alliance Biblique du Congo. All rights reserved.

<https://www.bible.com/en-GB/bible/2987/MAT.1.NTVIL>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

